



## SAMBAND ÍSLENSKRA SVEITARFÉLAGA

Skrifstofa Alþingis – nefndasvið  
b.t. Velferðarnefndar  
Austurstræti 8-10  
150 Reykjavík

Reykjavík 12. apríl 2023

2301041SA KB/fhs  
Málalýkill: 00.64

### **Efni: Umsögn um þingsályktunartillögu um aðgerðaáætlun um þjónustu við eldra fólk, 86o. mál**

Vísað er til umsagnarbeiðnar nefnda- og greiningarsviðs Alþingis frá 28. mars sl. þar sem óskað er eftir umsögn um tillögu til þingsályktunar um aðgerðaáætlun um þjónustu við eldra fólk fyrir árin 2024-2028.

Vinnan við þingsályktunina byggir á viljayfirlýsingu félags- og vinnumarkaðsráðherra, heilbrigðisráðherra, fjármálaráðherra, Sambands Íslenskra sveitarfélaga og Landssambands eldri borgara um að auka samstarf varðandi málefni eldra fólks. Sambandið átti fulltrúa í verkefnastjórninni sem vann tillögurnar og hefur því átt góða aðkomu að málinu frá upphafi.

Sambandið skilaði umsögn um þingsályktunartillöguna í samráðsgátt, dags. 23. janúar 2023 og er vísað til hennar og þeirra atriða sem fram koma í henni.

Sambandið bindur miklar væntingar við framkvæmd aðgerðaráætlunar. Markmið aðgerðaráætlunar eru metnaðarfull en á sama tíma er markmið hennar að heildarútgjöld til málaflokksins lækki með aukinni áherslu á forvarnir og að eldra fólk sé gert betur kleift að búa á heimili sínu á eldri árum með auknum stuðningi félagsþjónustu sveitarfélaga og heilbrigðiskerfisins.

Í þeim þáttum aðgerðaáætlunar þar sem gert er ráð fyrir aðkomu sveitarfélaganna er mikilvægt að fyrirheit um þétt samstarf raungerist, sérstaklega ef gert er ráð fyrir aukinni þjónustu sveitarfélags gagnvart þessum hópi sem getur valdið auknum kostnaði og álagi á félagsþjónustu sveitarfélaga. Slíkar aðgerðir þarf að undirbúa af kostgæfni og þurfa að vera fullfjármagnaðar. Sú kostnaðarábatagreining sem gerð var í tengslum við undirbúning þingsályktunartillögu gerir vissulega ráð fyrir að þær aðgerðir sem lagðar eru til muni til lengri tíma minnka kostnað, en gera má samt sem áður ráð fyrir því að þær geti valdið auknum kostnaði til skamms tíma í einhverjum tilvikum fyrir sveitarfélög sem gera þarf ráð fyrir við innleiðingu breytinga og úrræða.

Mikill og jákvæður vilji er til staðar hjá sveitarfélögum til þátttöku í þeim verkefnum sem um ræðir, samfélaginu öllu til heilla. Lýsir sambandið sig reiðubúið í þátttöku í áframahaldandi vinnu vegna innleiðingar aðgerðaáætlunar. Jafnframt er

óskað eftir því að sambandið fái að koma til fundar við velferðarnefndar til þess að lýsa nánar sjónarmiðum sveitarfélaga vegna fyrirhugaðrar aðgerðaáætlunar.

Virðingarfyllt  
SAMBAND ÍSLENSKRA SVEITARFÉLAGA



---

Karl Björnsson  
framkvæmdastjóri